



Bab : Quran / Hadeesh / Dusre Uloom

Fasl : Quran

Sawal No : 124

Upload Date : 20-01-2024

Topic : Qur'an E Kareem Padhte Na Ata Ho, To Sirf Bismillah Padhna

Sawal : Jisko Quran E Kareem Nahi Padhna Aata Ho, Vo Pura Qur'an E Kareem Bismillahir Rahmanir Rahim Sai Padhe, To Kya Is Sai Tilawat Ka Sawab Milega ? Aur Ungli Phirate Huwe Jaha Par Sajde Ki Aayat Aaye, To Vaha Par Sajda Kare Ya Nahi ?

Jawab : Qur'an E Pak Ki Tazeem Alag Cheez Hai, Aur Qur'an E Pak Ki Tilawat Karne Ka Sawab Aur Us Tilawat Ki Barkaat Alag Cheez Hai.

■ **Jise Qur'an E Pak Na Aata Ho, Usay Chahiye, Ke Qur'an E Pak Seekhe, Aur Quran E Pak Seekhnay Mai Jo Usay Mushkili Paish Aaye Gi, Ahadees Ke Mutabiq Usay Dohra Ajar Miley Ga, Isliye Qur'an E Pak Ko Seekhne Ki Hi Koshish Karni Chahiye.**

■ **Us Ke Baad Bhi Jab Tak Ham Seekh Rahe Hai, Qur'an E Pak Bilkul Padh Na Pate Ho, Aur Azmat Ki Niyyat Se Qur'an E Pak Ko Chu Rahe Hai, Mohabbat Sai Us Ko Daikh Rahe Hai, To Chahe Tilawat Wala Sawab Na Mile, Lekin Is Mohabbat Ka, Azmat Aur Bismillah Padhne Ka Sawab**

Milega.

**(Fatawa Mahmudiya:7/174, Online Fatawa
Binnoriya:144108201876)**

■ Aur Jab Tak Qur'an E Kareem Ki Sajde Wali Aayat Ki Khud Sai Tilawat Na Ki Jaye, Ya Kisi Padhne Wale Sai Sajde Ki Aayat Na Sune, Tab Tak Sajda E Tilawat Wajib Nahi Hoga. (Hidaya: 1/353{Bushra: 8 Jild Wala Nuskha}) Fakt - Allah Ta'ala Sabse Zyada Janne Wale Hai.

Ye Jawab Darul Ifta Wal Irshad, Shahpore, Surat Ki Official Website
www.suratifta.com Se Download Kiya Huwa Hai.



© Copyright 2023 DARUL IFTA WAL IRSHAD
Development By : IBNE ASIF GRAPHICS & DIGITAL PARTNER